



Broj: 13-11-4-6831/23

Datum: 20.10.2023. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo" br. 5/20 - prečišćeni tekst i 20/20 - ispravka) i člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), a na prijedlog Komisije za javne nabavke roba, radova i usluga, Općinski načelnik d o n o s i

ODLUKU o poništenju postupka javne nabavke

I

Poništava se postupak javne nabavke roba „Nabavka opreme za obrazovne ustanove na području Općine Novo Sarajevo“.

II

Za izvršenje ove Odluke zadužuje se Služba za zajedničke poslove.

III

Odluka o poništenju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

O b r a z l o ž e n j e

Postupak javne nabavke proveden je putem konkurentskog zahtjeva za dostavu ponuda, a pokrenut je na osnovu Odluke Općinskog načelnika broj: 13-11-4-6831/23 od 01.09.2023. godine.

Procijenjena vrijednost javne nabavke sa PDV-om je: 40.000,00 KM (slovima: četrdesethiljada i 00/100 konvertibilnihmaraka).

Obavještenje o javnoj nabavci broj: 935-7-1-179-3-226/23 od 08.09.2023. godine u 08:51 sati poslano je na objavu na Portal javnih nabavki.

Komisija za javne nabavke roba, radova i usluga je imenovana Odlukom Općinskog načelnika o pokretanju javne nabavke broj: 13-11-4-6831/23 od 01.09.2023. godine.

Iz Zapisnika o otvaranju ponuda i Zapisnika o pregledu i ocjeni ponuda Komisije za javne nabavke roba, radova i usluga je vidljivo da je do dana 21.09.2023. godine pristigla ponuda slijedećeg ponuđača:

Redni broj	Naziv i sjedište ponuđača	Ukupna ponuđena cijena sa PDV-om	Ponuđeni popust
1.	DŽAJKIĆ d.o.o. Široki Brijeg	39.780,00 KM	0%

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije iz jedine pristigle ponude u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponuđač DŽAJKIĆ d.o.o. Široki Brijeg je kao dokaz o uspješnoj realizaciji ugovora koji se odnosi na nabavku CNC mašina za obrazovne ustanove, dostavio potvrdu o uspješno izvršenom ugovoru za društvo „PAMUK“ d.o.o. Sarajevo.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 286, fax: (387 33) 492 145, email: javne.nabavke@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

U vezi sa navedenim ponuđaču DŽAJKIĆ d.o.o. Široki Brijeg je u skladu sa odredbama člana 48. stav 5. Zakona o javnim nabavkama zatraženo pismeno pojašnjenje dostavljenje reference, na način da pojasni da li je „PAMUK“ d.o.o. Sarajevo obrazovna ustanova ili vrši uslugu obrazovanja u sklopu registrovane djelatnosti.

Imenovani je u svrhu pojašnjena potvrde o uspješnoj realizaciji ugovora putem emaila ugovornom organu dostavio Rješenje Federalnog ministarstva rada i socijalne politike broj 06-35/27-7/15 od 14.04.2015. godine, kojim je utvrđeno da PAMUK d.o.o. ispunjava uslove za početak rada kao privredno društvo za zapošljavanje lica sa invaliditetom, kao i Rješenje o registraciji PAMUK d.o.o. broj 065-0-Reg-14-002980 od 03.10.2014. godine, te Ugovor o izvođenju praktične nastave zaključen između PAMUK d.o.o. Sarajevo i Centra za slušnu i govornu rehabilitaciju Sarajevo, ulica Asima Ferhatovića 2.Sarajevo.

Obzirom na naprijed navedeno i činjenicu da je navedeni ponuđač u sklopu ponude priložio potvrdu o uspješno izvršenom ugovoru za „PAMUK“ d.o.o. Sarajevo i da se radi o društvu sa ograničenom odgovornošću za radno i profesionalno osposobljavanje, rehabilitaciju i zapošljavanje osoba sa invaliditetom, ali ne o obrazovnoj ustanovi, Komisija za javnu nabavku roba, radova i usluga smatra da DŽAJKIĆ d.o.o. Široki Brijeg nije dokazao ispunjenost uslova tehničke i profesionalne sposobnosti iz razloga što dostavljena Potvrda o uspješnoj realizaciji ugovora ne dokazuje uspješnu realizaciju ugovora sa obrazovnom ustanovom, kako je traženo tenderskom dokumentacijom.

U skladu sa navedenim ponuda ponuđača DŽAJKIĆ d.o.o. Široki Brijeg ocijenjena je kao neprihvatljiva jer ponuđač nije dokazao ispunjenost uslova tehničke i profesionalne sposobnosti.

Komisija za javne nabavke roba, radova i usluga, jednoglasno je predložila Općinskom načelniku da u skladu sa odredbama člana 69. stav (2) tačka d) donese Odluku o poništenju postupka javne nabavke roba „Nabavka opreme za obrazovne ustanove na području Općine Novo Sarajevo“, jer nijedna od zaprimljenih ponuda nije prihvatljiva.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisija za javne nabavke roba, radova i usluga. Naime, u postupku je ocijenjeno da je Komisija u svemu pravilno postupila, te da je Odluka donesena u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **5 (pet) dana** od dana prijema.


Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

DOSTAVITI:

1. DŽAJKIĆ d.o.o. Široki Brijeg
2. a/a



Općina Novo Sarajevo, ulica Zmaja od Bosne 55, centar grada (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.

